

223889

張子野詞
稼軒詞
蘋洲漁笛譜

片玉集
黴谷詩集
山中白雲

石湖詞
夢窗詞集
花外集



中華書局印行

白石道人詩集歌曲

《四部備要》

集部

上海中華書局據愉園叢
書本校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

版權所有 不許翻印

重刻白石道人詩詞序

臣里雅譚文字昵於陶詠寓公傳作名氏繡於湖山則有番陽布衣
松陵遊客蕭家詩派詒白石之有雙宋代詞流除玉田而無偶然而
最工令慢或捭詩名絕妙歌行分傳別集是以史臣著錄但標叢稿
之名嘉泰初編僅有歌曲之刻流傳將七百載剞劂且十餘家繼復
競握靈蛇未必盡窺全豹兵塵汎涉板槧亦灰偶賞叢殘彫離哀絃
吁其惜矣邁孫許丈熱腸媚古目涇散爲可傷明眼求書斷香粹而
後快以爲君臣南渡存於客子文詞士女西湖歛彼勝流膏潤矧如
白石翁者卽論人品有晉宋閒風別擅書名似申韓家法幸餘述造
大恩畸零於是羅百琲之散珠胖兩珪爲合璧梨鑲並槧楮帙同函
集長短句而傳及拍文彙五七言而增以詩說既評跋倡酬之旁采
復遺聞軼事之兼蒐斯則南村手鈔以還無茲盛舉祠堂善本而外
侈爲寶書者也嗟乎翰墨有靈煙霜多感酹馬塍之酒墓門沒於花
田度石函之橋寓亭荒於水磨謝爾費將油素爇傳授簡之人更誰
贈得小紅解唱吹簫之我光緒甲申天中節錢唐張預序於東城之
量月樓

白石道人詩集自敘

詩本無體三百篇皆天籟自鳴下逮黃初迄於今人異轍故所出亦異或者弗省遂艷其各有體也近過梁谿見尤延之先生問余詩自誰氏余對以異時泛閱衆作已而病其較如也三薰三沐師黃太史氏居數年一語嚙不敢吐始大悟學卽病顧不若無所學之爲得雖黃詩亦偃然高閣矣先生因爲余言近世人士喜宗江西溫潤有如苑致能者乎痛快有如楊廷秀者乎高古如蕭東夫俊逸如陸務觀是皆自出機軸實有可觀者又奚以江西爲余曰誠齋之說政爾昔聞其歷數作者亦無出諸公右特不肯自屈一指耳雖然諸公之作殆方圓曲直之不相似則其所許可亦可知矣余識千巖於瀟湘之上東來識誠齋石湖嘗試論茲事而諸公咸謂其與我合也豈見其合者而遺其不合者耶抑不合乃可○詞壺以爲合耶抑亦欲俎豆余於作者之間而姑謂其合耶不然何其合者衆也余又自惜曰余之詩余之詩耳窮居而野處用是陶寫寂寞則可必欲其步武作者以釣能詩聲不惟不可亦不敢

自敘二

作者求與古人合不若求與古人異求與古人異不若○詞壺求與古人合而不能不合不求與古人異而不能不異彼惟有見乎詩也故向也求與古人合今也求與古人異及其無見乎詩已故不求與古人合而不能不合不求與古人異而不能不異其來如風其止如雨如印印泥如水在器其蘇子所謂不能不爲者乎余之詩蓋未能進乎此也未進乎此則不當自附於作者之列悉取舊作棄畀炎火俟其庶幾於不能不爲而後錄之或曰不可物以蛇而化不以蛇而累以其有蛇是以有化君於詩將化矣其可以舊作自爲累乎姑存之以俟他日

南宋潘陽姜堯章以布衣擅能詩聲所爲樂章更妙絕一世今所傳白石道人詩集一卷蓋本臨安睦親坊陳起所刊羣賢小集更竄入麗水姜特立梅山藁中詩幾於知尊之無辨樂章自黃叔陽所輯花庵絕妙詞選二十餘闕外流傳者寡雖以秀水朱竹垞太史之搜討亦未見其全疑白石道人歌曲六卷著錄於貴與馬氏者久爲廣陵散矣近雲間樓廉使敬思購得元陶南村手鈔則六卷完好無恙若有神物護持者余友符戶部葑林從都下寄示因并詩集亟爲開雕公之同好詩集稍分各體釐定去竄入之作歌曲第二卷第六卷爲數寥寥因合爲四卷其中自製曲俱有譜旁注雖未析其節奏悉依元本鈎摹以俟知音識曲者論定云爾乾隆癸亥冬十月旣望江都陸鍾輝書

白石道人小傳

嚴杰

姜夔字堯章系出九真唐諫議大夫同中書門下平章事公輔之裔八世祖泮任饒州教授卽家於鄱陽父噩紹興庚午擢進士第以新喻至知漢陽縣夔從父宦遊流落古沔恬澹寡欲不樂時趨氣貌若不勝衣工書法箸續書譜以繼孫過庭頗造翰墨閭域詩律高秀詞亦精深華妙尤嫻於音律初學詩於蕭剡攜至苕上遂以兄子妻之時張燾楊萬里皆折節與交而樓鑰范成大更相友善成大曾以青衣小紅贈之紹興中秦檜當國隱善坑之丁山參政張燾累薦不起高宗賜宸翰建御書閣以儲寶書患樂典久墜欲正頌臺樂律寧宗慶元丁巳上書論雅樂并進大樂議詔付有司收掌時有嫉其能者以議不合而罷己未作鏡歌鼓吹曲一十四章上於尙書省書奏詔付太常周密以爲言辭峻挐意度高遠有超越騁驕之意非虛譽也居與白石洞天爲鄰因號白石道人時往來西湖館水磨方氏後以疾卒葬西馬塍故蘇洞挽之云幸是小紅方嫁了不然啼損馬塍花箸有琴瑟考古圖一卷絳帖平二十卷褙帖偏旁考集古印譜張循王遺事白石道人叢書十卷詩說一卷歌曲四卷子二瓊太廟齋郎瑛嘉禾郡僉判

白石道人小象



康郎之山彭蠡之水靈雪所鍾
篤生逸士上書論樂天子色喜
尚使雷音一變足矣人娛其能
時止鼙止去所隱焉同彼角里
咎劉溉云有大才所無貴仕吾
吟白石亦曰如是
何起瀛贊
徐惟琨錄

綴言

宋史藝文志載姜夔白石叢書十卷陳振孫書錄解題載白石道人集三卷今所傳詩集非足本也王晦叔_弟有和堯章九日送菊詩二首陳唐卿_弟有次堯章寄贈詩原韻五首又次堯章錢南卿韻二首集中無此詩亦未著於目錄恐此外佚者尙多從此遂成廣陵散矣

白石道人歌曲無論宋嘉泰本不可得見即黃與馬氏本亦少流傳就所知者常熟汲古閣本江都陸鍾輝本華亭張奕樞本歙縣洪正治本華亭姜氏祠堂本揚州知不足齋本陸版後入江鶴亭家再歸阮文達道光癸卯燬於火張版入南蕩張氏書三味樓後亦不存陸本洪本祠堂本皆詩詞合刻餘則有詞無詩近又有閩中倪耘劬本臨桂王鵬運本至於輯勘精審當推陸本爲最茲据陸本重刊間有與別本互異者附刊本字之下以墨圍隔之

南匯張嘯山徵君_{文虎}著舒菴室餘筆載白石道人歌曲攷證謂陸鍾輝本所刻譜式以意竄改每失故步不如張奕樞所刻之善不知陸張兩刻皆從樓敬思所藏陶南邨手鈔本錄出陸本刻於乾隆癸亥張本刻於己巳相去才數年中間或以鈔胥致譌兩本對勘似陸刻猶勝於張嘯山但据張本訂正指陸爲譌其實陸本未嘗譌也安得嘉泰本一正是之

白石道人歌曲第四卷後有嘉泰壬辰至日刻於東巖之讀書堂雲閣錢希武十九字似陶南邨從宋本錄存

白石道人詩集目錄

卷上

五言古詩

以長歌意無極好爲老夫聽爲韻奉別沔鄂親友

赤松圖

虞美人草

華藏寺雲海亭望具區

夏日寄朴翁朴翁時在靈隱

春日書懷四首

篋篋引

待千巖

古樂府

雪中訪石湖 范成大和詩附

賦千巖曲水

李陵臺

呈徐通仲兼簡仲錫通仲與誠齋爲鄉人近來赴調而誠齋

去國又通仲久與千巖有茗雪之約而未至余挽通仲欲

與同歸千巖故末章及之

和轉庵丹桂韻

昔遊詩 潘桂韓說書後詩附

七言古詩

送王孟玉歸山陰

烏夜啼

余居苕溪上與白石洞天爲鄰潘德久字予曰白石道人且

以詩見其辭曰人閒官爵似撈糟采到枯松亦大夫白

石道人新拜號斷無繳駁任稱呼予以長句報貺

丁巳七月望湖上書事

送陳敬甫

生雲軒

送項平甫倅池陽

書乞米帖後

契丹歌

禽言如曰哥哥

次韻誠齋送僕往見石湖長句 楊萬里原作附

卷下

五言律詩

題華亭錢參園池

同朴翁登臥龍山

坐上和約齋

出北關

答沈器之二首

悼石湖三首

七言律詩

送朝天續集歸誠齋時在金陵

寄上張參政

京口留別張思順

次朴翁游蘭亭韻

次韻胡仲方因楊伯子見寄

賀張省翁參政

陳君玉以小集見歸用余還誠齋朝天續集韻作七字變報

貺

寄田郎

送王德和提舉淮東

寄時甫

送李萬頃

次韻千巖雜詠

寄上鄭郎中

送左真州還長沙

乍涼寄朴翁

張平甫哀挽

五言絕句

同潘德久作明妃詩

東堂聯句

與和甫時甫分題畫卷藥得剡溪圖

六言絕句

金神夜獵圖二首

次韻驚鷺梅二首

馬上值牧兒

七言絕句

過湘陰寄千巖

雁圖

除夜自石湖歸蒼溪

臨安旅邸答蘇虞叟

姑蘇懷古

次韻德久

次石湖書扇韻

竹友爲徐南卿作

畫朴翁

湖上寓居雜詠

平甫見招不欲往

三高祠

過桐廬

登烏石寺觀張魏公劉安成岳武穆留題劉云侍兒意真奉

命題記

過垂虹

訪費山人

牛渚

武康丞宅同朴翁詠牽牛

朴公悼牽牛甚奇余亦作

過德清

項里

雪中六解

越中士女春遊

送范仲訥往合肥三首

下蘇城

平甫放三十二○祠堂本作六驢於吳松余不及與盟

蕭山

戊午春帖子

偶題

陳日華侍兒讀書

女郎山

釣雪亭

綠萼梅

次韻武伯

觀燈口號十首

陪張平甫遊禹廟

寄俞子二首

集外詩

燈詞

春詞

同朴翁過淨林廣福院

嘉泰壬戌上元日訪全老於淨林廣福院觀沙傳師碑隆茂

宗畫贈詩

龍井

自題畫像

句

白石道人詩集目錄

白石道人詩集卷上

番陽姜夔堯章著

仁和許增邁孫校采

五言古詩

以長歌意無極好爲老夫聽爲韻奉別沔鄂親友

潛滔沔鄂留有觀三宿桑持鉢了白日事賤丸蛭蛻舍○利堂當去本作念

石友煙席淩江湘爲君試歌商歌短意則長

佳人魯山下○謂楊大昌正之日弄清漢波促絃調寶瑟哀思感人多咬哇秦

缶擊冷落鄂客歌知音良不易如此聚者何

英英白龍孫○仁舉眉目古人氣拮据營數椽下簾草生砌文章作

逕庭功用見進次無庸垂聲嗟遺安鹿門意

詩人辛國士○詳前句法似阿駝別墅滄浪曲綠陰禽爲呼頗參金粟

眼漸造文字無兒輩例學語屋壁祝蒲○舊鈔盧本作呼盧

山陰千載人揮灑照八極只今定武刻猶帶龍虎筆單侯出機杼○單侯

豈是劍舞得餘波入竹石絕歎咄咄逼

異時之眾君在渥守白蘋黃鐘欠牛鐸淋漓弔遺稿有子殊可人○蔡

字武伯特未見此老客來請論文但道曲肱好

中郎遊千霜曲高復誰爲龍筆趣無絃鄭伯功野鼻春風桃花溪寒

淥繞蒼翠何當從兩君放浪計幽事

宦達羞故妻貧賤厭邱嫂上書雲雨迴還舍荷蕨老江臯鉅帶經決

計恨不早士無五段皮沒世抱枯槁

伐木響虛北吾願友褐夫九關呀虎豹何時內高林黃鶴渺雲樹鸚

鵡澹煙蕪倚杖得清賞洗心觀本初

孤鴻度關山風霜催翅翎影低白雲暮哀喚那忍聽士生有如此儲

粟不滿瓶著書窮愁濱可續離騷經

赤松圖

山東隆準公未語心已解按劍堂下人成事汝應退非無帶礪約政

爾有恩害平生三寸舌松閒漱寒瀨

虞美人草

夜闌浩歌起玉帳生悲風江東可千里棄妾蓬蒿中化石那解語作

草猶可舞陌上望離來翻愁不相顧

華藏寺雲海亭望具區○寺在雲海亭

茫茫復茫茫中有山蒼蒼大哉夫差國坐占天一方夫差醉蓮宮巨

浪搖不醒越師何從來奪我玉萬頃年年亭上秋一笛千古愁誰能

知許事飛下雙白鷗

夏日寄朴翁朴翁時在靈隱

風吹松樹枝懷我松閒友雲從北山來令我屢回首山雲夜夜起山

雨侵人衣遙知竹窗裏自吟新雨詩

春日書懷四首

九真何蒼蒼乃在清漢尾衡茅依草木念遠獨伯姊春來芳滋春

去衆芳萎兄弟各天涯啼鴉見料理漢江出巨魚風雷入驅使安得

挾我輓西征二千里

春雲驛路暗遊子渺歸程永懷故山下風雨悲柏庭翁仲不解語幽

鳥時時鳴人家插垂柳客裏又清明

垂楊大別寺春草郎官湖家巷有石友合并不待呼瘦藤倚花樹花

片藉玉壺老鄭譚絕妙辛楊句數腴平生子姚子貌古心甚儒時邀

野僧語閑與琴工俱酒闌興未了左轉城南隅大江圍楚碧煙水入

元虛留落不自恨惟嗟故人疏一月三見夢夢中相與娛日日潮風

起悵望武昌魚

武昌十萬家落日紫煙低亭頭陀塔高處白鳥棲白鳥忽飛去春

山空四圍南樓有佳人再召且再辭閉門課文事○舊鈔櫻物深天本作史

機斯人不可致白鳥會來歸

筌篲引

筵篋且勿彈老夫○舊鈔本作太不可聽河邊風浪起亦作筵篋聲古人抱
恨死今人抱恨生南鄰賣妻者秋夜難爲情長安買歌舞半是良家
婦主人雖愛憐賤妾那久住緣貧來賣身不緣觸夫怒日日登高樓
悵望宮南樹

待千巖

寒雲望洞庭眼過天一角初別未甚愁別久今始覺作箋非無筆寒
雁不肯落蘆花待翠音○舊鈔本作怪底北風惡
若人金石心試命○舊鈔本作問洞庭浪傳聞下巴陵壓酒喜無恙我行丹
楓林屢騎白蘋望鳥鵲不可嗔論功當坐上

古樂府

裁衣贈所歡曲領再三安歡出無人試閨中自著看
甚欲逐郎行畏人笑無媒日日東風起西家桃李開
令我歌一曲曲終郎見留萬一不當意翻作平生羞

雪中訪石湖

雪軒如玉城偏師敢輕犯黃蘆陣野鷺我自將十萬三載○補注渠本作戰
未降北面石湖范先生霸越手定自一笑聚

次韻堯章雪中見贈

范成大 致能

玉龍陣長空羣比忽先犯鱗甲塞天飛戰退三百萬當時訪戴舟
卻訪一寒范新詩如笑人蓬華愧三聚

賦千巖曲水

紅雨灑溪流下瀨仍小駐魚隊獵殘香故故作吞吐老子把一盞微
風忽吹去

李陵臺

李陵歸不得高築望鄉臺長安一萬里鴻雁隔年回望望雖不見時
時一上來

呈徐通仲兼簡仲錫通仲與誠齋爲鄉人近來赴調而誠齋

去國又通仲久與千巖有舊書之約而未至余挽通仲欲
與同歸千巖故末章及之

斯文準乾坤作者難屈指我從李郭遊知有徐孺子春風橘洲前白
月太湖尾懷哉○舊鈔本作我來無期玉唾炯在紙去年識仲氏何處空谷
喜合併忽自天顛倒見底裏維君天下士竹箭東南美胡不在石渠
諸公當料理千巖今林宗泉石助風動示疾不下堂有句高八米此
老筆硯交齋齋古元禮毫端灑秋露去國詞愈偉屬聞都門別回首
即參梓獨憐蒼翠上垂榻俟行李煙波青尋盟歸權爲君艤

和韓庵丹桂韻

野人復何知自謂山澤好來裨奉常講議箴鼓羽葆誰憐老垂垂卻
入闡浩浩營巢猶是寓學圃何不早淮桂手所植漢瓊躬自抱花開
不忍出花落不忍掃佳客夜深來清算月中倒一禪兩居士更約踐
幽討

昔遊詩

鑿齒歲孤貧再走川陸數年以來始薄寧處秋日無謂追述舊
遊可喜可愕者吟爲五字古句時欲展開自省生平不足以爲
詩也

洞庭八百里玉盤盛水銀長虹忽照影大哉五色輪我舟度其中晃
晃驚我神朝發黃陵祠暮至赤沙曲借問此何處滄海三十六青蘆
望不盡明月耿耿如燭燭灣灣無人家只就蘆邊宿
放舟龍陽縣洞庭包五河○舊鈔本作湘大紅湖不得道茫茫將奈何
篙師請小泊石矸沈泥沙是中無人無岸強指葦與莎滯留三四晨大
浪山嵯峨同舟總下淚自謂饒龜龜白水日以長僅存青草芽轉盼
又已沒但見千頃波此時羨白鳥飛入青山阿
九山如馬首一一奔洞庭小舟過其下幸哉波浪平大風忽怒起我
舟如葉輕或升千丈坡或落千丈坑回望九馬山政與大浪爭如飛